

HITZ BITAN

KOSOVO

Serbiako Armada segurtasun eremura bueltatzeko baimena eman du NATOK

Serbiako Armada Kosovoko segurtasun eremura bueltatzeko baimena eman zuen atzo Ipar Atlantikoko Tratatuaren Erakundeak (NATO). Erabakia NATOKo kideek horren aurkako errektusorik ipini ezean hartu zen. Horren ondorioz, eremu horren kontrola berreskuratu du Jugoslaviak ekainaren 24tik aurrera. B sektorea esaten zaion eremua Serbiako hegoaldeko gatazkatsua da.

Azaroaren 17rako deitu dute Legebiltzarrerako hauteskundeetara

Datorren azaroaren 17an egingo dira Legebiltzarre-rako bozak Kosovon, NBE Nazio Batuen Erakunde-ko Kosovorako Misioko buru Hans Haekkerupek atzo jakinarazi zuenez. «Behin-behineko autogobernurako marko konstituzionala» sinatuko du gaur Haekkerupek, boz horiek gogoan. Hala ere, hark esan zuenez, Jugoslaviari Kosovoren subiranotasuna bermatzen dion NBERen ebazpenarekin bat etorri beharko du autogobernuak.

FILIPINAK. Hauteskundeen emaitzak ez dituzte jakinaraziko ekaina arte

Gloria Macapagal presidentea da faborito Legebiltzarra osatzeko egindako bozetan

Agentziak | WASHINGTON

Manilako legebiltzarra osatzen duten 262 eserlekuak berritze-ko hauteskundeak egin ziren atzo Filipinetan. Guztira 34 milioi lagunek baino gehiagok zuten botoa emateko eskubidea, eta, Alfredo Benipayo Hauteskunde Batzordeko lehendakariak atzo jakinarazi zuenez, parte-hartzea %85ekoa izan zen.

Parte-hartze datuak atzo bertan jakin ziren arren, emaitzak ez dira zabalduko ekaina arte. Izan ere, boza emateko eskubidea zuten herritar guztiek beren hautetsien izenak idatzi behar zituzten, eta horrek moteldu egiten du kontaketa.

Inkesten arabera, Gloria Macapagal egungo lehendakaria da bozak irabazteko faborito nagusia. Haren atzetik, Joseph Estrada Filipinetako presidente ohia dago, diru publikoa lapurtzea egotzita egun kartzelan preso dagoena.

Atzoko hauteskundeek garrantzi berezia zuten Gloria Macapagal egungo lehendakariarentzat. Izan ere, Estradaren aurkako errebolta baten ondorioz, joan den urtarrilaren 20an Filipinetako Gobernua lortu ostean orain arte eginiko lanaren babesa jaso nahi zuen Macapagalek. Estradak, aldiz, galdutako boterea lortzeko



BULLIT MARQUEZ / AP

Gloria Macapagal Filipinetako lehendakaria, botoa eman aurretik.

esperantza agertu zuen kanpaina guztian.

Indarkeriaz betetako ekinaldia

Atzo egin ziren hauteskundeek ekinaldia indarkeriaz betetakoa izan da. Hala, Manilako gobernuaren eta Filipinetako Polizia-

ren datuen arabera, 70 lagun baino gehiago hil dira joan den otsailean hauteskunde kanpaina hasi zenez geroztik. Hildakoen artean hainbat diputatu aipa daitezke.

Horrez gain, bai Macapagalek, bai Estradak botoen erosketa izan dela salatu zuten.

TXILE

Atxilotzeko agindua eman du Garzonek diktadura garaiko Defentsa ministro ohiaren aurka

Baltasar Garzon epaile espainiarrak nazioarteko atxilotze agindua eman zuen herenegun Herman Brady diktadura garaian Defentsa ministro izandakoaren aurka. 1976an Nazio Batuentzat lan egiten zuen Carmelo Soria funtzionario espainiarraren hilketan parte hartu izana egotzi dio epaileak Bradyri. Diktadura garaian us-tez giza eskubideak bortxatu zituzten 60 ofizial ohi biltzen dituen zerrenda bat osatu du Garzonek.

KOLONBIA

52 lagun hil dira Armadaren eta gerrillen arteko erasoen ondorioz

52 lagun hil ziren joan den asteburuan Kolonbian, Armadaren eta gerrillen arteko erasoen ondorioz. Aurreneko datuen arabera, asteburuan hil zirenetatik 31 FARC gerrillako kideak ziren, 11 ELNkoak, hiru EPLkoak, hiru Kolonbiako Armadakoak, eta beste bost ustez paramilitarrei laguntza eskaintzeagatik FARCEk hildakoak. Liskar guztiak Bogotatik 300-700 kilometrorra izan ziren.

Errekalde Auzoa DONOSTIA Tfno. 943 37 32 33 (INCHAUSTI MOBILIARIOREN AZPIKO ALDEAN)